

Claude WISELER
President vun der
Chamber vun den Deputéierten
19, um Krautmaat
L-1728 Lëtzebuerg

Lëtzebuerg, den 05/05/2026

Här President,

Sou wéi den Artikel 80 vun eisem Chambersreglement et virgesäit, bieden ech Iech, dës parlamentaresch Fro un d'Ministère fir den Interieur & Gesondheet weiderzeleden.

De Service d'Aide Médicale Urgente (SAMU) soll laut neiem Référentiel beim CGDIS eng bedeitend strukturell Ännerung duerchmaachen. Déi zentral Neierung besteet doran, datt an Zukunft och Doktere mat der Spezialisatioun vum Urgentist bei Asätz matfuere kënnen, wat eng fundamental Ëmstrukturéierung vum aktuelle Fonctionnement bedeite géif.

Dës Ännerung huet awer Diskussiounen ëm Kompetenzen an ëm finanziell Ressourcen ausgeléist. Et stellt sech d'Fro, wéi dës nei Organisatioun konkret ëmgesat gëtt a wéi eng Käschten eventuell domat verbonne sinn?

An deem Zesammenhang wéilt ech de Ministeren dës Froe stellen:

1. Wéi gesäit de neie Référentiel beim CGDIS am Detail aus a wéini soll dës offiziell a Kraaft treden?
2. Entstinn duerch de neie Référentiel an d'Integratioun vum den Urgentisten an de SAMU-Betrieb Méikäschten a wa jo, wéi ginn dës finanziert?
3. Huet d'Regierung oder de CGDIS eng Evaluatioun oder eng Etude maache gelooss, déi d'Noutwennegkeet vun dëser Ännerung beleet, a wa jo, kann dës dem Parlament zur Verfügung gestallt ginn?

Mat déiwem Respekt,



piraten.lu



CLEMENT Sven
Deputéierten

